


唐伯虎集

序目一三



					漢書門
			一〇三八		
			四號		
			函架		
			三五冊		


內閣文庫			
三	一〇三八	漢	
一七	四	書	
函	號		
一	冊架		




內閣文庫	
番號	漢 10384
冊數	3( 1 )
函號	317 73

共三本

317-73





伯虎唐先生彙集序



淺草文庫

自古荆玉夜珠為世所寶者非  
其傳愈久而神愈光耶文亦  
有之、三吳自公游湖藻代有逸  
才而清豪之致、無遜隴右者

美極矣  
過每見  
如夫

獨伯虎唐先生、幼竒穎真家  
容不羈有專季風落筆雲烟不  
加點綴弱冠負氣躡蹻半為江  
南路鬼掀揄賴梁文康吳文定  
兩相國延譽公卿間才名日噪

閱世至此  
以為有黃也

而鹿鳴首薦之後益為入宮所  
妬青繩構諺便掛吏議先生嘆  
曰寒山一片空老鶯花寧特  
功名是千古哉遂築室金閭  
外日晡祝希哲文徵仲詩

酒相狎、踏雪野寺、耻句高山、縱  
游平康、妓家、或坐臨街小樓、寫  
畫、易酒醉、則屏幘、浩歌、江  
烟樹、百二山河、盡拾、桃花塢中  
矣、嘗夢得龍齋墨一囊、文金

奇詩、日益藻然、吐珠璣、多不  
屬草、是以散逸、少傳、胥、甚、表、先  
生、表、重、先生、文、已、刻、樂、府、雜、文、賦  
四十七首、為世片玉、而海虞何、其  
之、柱、後、稍、加、補、葺、然、終、非、完、豹

也今所集二十二種百五十餘篇  
大都皆先生中年作也歌慷  
慨而寄韻委婉灑浪笑傲而談  
言微中先生善畫恨不得於畫見  
先生今於茲集見之矣謹校閱

付梓遺珠在世博雅鑒補則先  
生益不朽

萬曆壬子相月雲間曹元亮寅

伯甫題并書



唐伯虎先生

唐伯虎先生與文衡

唐伯虎先生彙集叙

余讀唐伯虎先生與文衡

山先生書慷慨激烈悲歌

風雅眼底世情腔中心事

一生冲宇宙、凌海岳之氣、  
奮在几席、掩卷究其本末、  
嗟乎、丈夫遭時不遇、遂至  
此哉、余生也、晚濫筭木天、

畏友曹寅伯為先生校刻、  
其藏夫南渡諸人大字、不三  
數、趣好不同、靈竅不一、先  
生以石碣、落不羈之才、放浪

形骸之外為吳中傑士與  
名人傳伍戊午叢弘治第  
一心不格落籍知者惜之  
猗狂宸濠侯路山林不膏

數萬言已入堂奧而今傳  
者未免有靳容德色之病  
遺教七八實伯僅收一二有  
神契焉傾囊梓之莫生



之文一新行流日煥吳葺  
密通景星慶雲幸切瞻  
慕乃捧遺編以睹璉璧視  
中當有收之者李杜而下

更有空論不敢加喙其間  
獨喜先生之吟得寅伯而  
後著何知矣之雜哉好古  
者其在茲歟嗟乎劉宣之

退災記為先生以某識者

烏乎刪定

賜進士第翰林院檢討文

林印華亭張萬書

唐伯虎彙集目錄

卷一

賦三首

嬌女賦

金粉福地賦

惜梅賦

廣志昭極二賦豪傑逸

樂府十二首

短歌行

相逢行

出塞二首

紫驕馬

驄馬驅

俠客

隴頭

隴頭水

咏春江花月夜

春江花月夜二首

五言古詩六首

白髮

伏承履吉王君以長句見贈作此為答

聞蛩

夜中思親

傷內

贈文學諸君

七言雜詩三十首

咏梅次楊廉夫韻

題五王夜燕圖

題潯陽送別圖

席上荅王履吉

七夕賦贈織女

江南春二首

姑蘇八咏八首

花下酌酒歌

桃花庵歌

一年歌

一世歌

把酒對月歌

醉時歌

怡古歌

焚香默坐歌

解感歌

世情歌

漁樵問答歌

妒花歌

咏漁家樂

悵悵詞

七夕歌

卷二

五言近體一十二首

聽彈琴瑟

送王履約會試

游焦山

桃花庵五首

馬

送行

題画

題谿山疊翠卷

五言排律一首

賀松郡伯壽誕

七言近體九十四首

登吳王郊臺

仲夏三十日陪弘農楊禮部丹陽都隱

君虎丘汎舟

游金山

唐作身自金

焦山

廬山

巖灘

觀鰲山四首

霜中望月悵然興懷

和沈石田落花詩三十首

睡起

贈南野

江南送春

與朱彥明諸子游保叔寺

枕上聞雞鳴

西疇圖為王侍御

題画

元宵

題碧藻軒

沈徵德飲予於報恩寺之霞鷺亭酒酣

賦贈

正德己卯承沈徵德顧翰學置酌禪寺

見招猥鄙盃酒狼籍作此奉謝

春日城西

散步

松陵晚泊

領解後謝主司

唐詩集目錄

釋道山

送李尹

長洲高明府過訪山莊失於迎訝作此

奉謝

和雪中書懷

壽嚴民望母八十

桃花庵與希哲諸子同賦三首

言懷二首

別劉伯耕

寄鄧雲帆

雨中小集卽事

花月吟效連珠體一十一首

漫興十首

正旦大明殿早朝

歲朝

閶門卽事

春日書懷

檢齋

五言絕句六首

枯木竹石

美人蕉

題畫四首

七言絕句九十四首

宮詞

五陵

馬二首

題芭蕉仕女二首

杏林春燕二首

過閩寧信宿旅邸館人縣画菊愀然有

感因題

題画詩三十二首

題雜画詩一十五首

寒雀爭梅

鶴鴿圖

題王母贈壽二首

題椿萱圖

嗅花觀音

題周東邨画

題倪元鎮画

題落花卷

題桑

題菊花三首

題自画墨菊

題画贈趙一蓬

題自画卷二十一首

陶淵明二首

林和靖

韓熙載二首

陶穀

張祐

高祖斬蛇

三顧州廬

相如滌器

唱蒙正雪景

杜牧

濂溪

白樂天

雪夜幸趙普

桑維翰鍊研

盧仝煎茶

秦淮海

呂洞賓

齊后

紅拂妓

附文徵明二首

送陳憲章

題子胥廟

題夢艸圖

題漁父

題画竹

題葛仙

題洞賓化女人攜瓶圖

題佳人對月

題佳人插花

佳人停板二首

荷花仙子

玉芝為王麗人作

風雨淹旬厨烟不繼滌研吮毫蕭條若

僧因成絕句八首聊自遣興

刪刻三首

詞三首



皇仙集目錄

望湘人 春日花前咏懷

踏莎行 雨晴

千秋歲引 題古松贈壽

卷三

書五首

上吳天官書

與文徵明書

荅文徵明書

又與文徵明書

荅周秋山

序六首

嘯旨後序

送文溫州序

中州覽勝序

作詩三法序

送陶大癡分教撫州序

送徐朝咨歸金華序

記八首

許旌陽鍊柱記

荷蓮橋記

愛溪記

竹齋記

菑隱記

菊隱記

王氏澤富祠堂記 守質誌

卷四

碑銘一首

齊雲岩紫霄宮玄帝碑銘

墓誌銘七首

劉秀才墓誌銘 劉太僕墓誌銘

吳東妻周令人墓誌銘

徐君墓誌銘

許天錫妻高氏墓誌銘

徐廷瑞妻吳孺人墓誌銘

唐長民壙誌

墓碣一首

沈隱君墓碣

墓表一首

吳君德潤夫婦墓表

祭文一首

祭妹文

疏文一首

治平禪寺化造竹亭疏

啟一首

送廖通府帳詞啟

論一首

蓮花似六郎

表一首

擬瑞雪降群臣賀表

贊三首

達磨贊

鍾馗贊

贊林酒仙書聖僧詩後

聯句

戊寅八月十四夜夢艸制其中一聯云

題画竹三聯

附刻外集

唐子畏墓誌銘

祝允明撰

傳贊四條

高承休撰  
顧璘王士貞撰

紀事二丁條

唐伯虎集卷一

葺城沈愚及之輯次并書

吳趨唐寅著

雲間曹元亮寅伯校

賦

嬌女賦

臣居左里有女未婦長壯妖潔聊賴善顧態體  
多媚窈窕不妒既閒巧笑流連雅步二十尚小  
十四尚大兄出行賈長嫂持戶日織五丈罷不  
及莫三丈縫衣餘剪作袴抱布買絲賦迨行露

負者下擔行者佇路來歸室中嘖嘖忿忿策券  
折閱較索羨貨着屐入被不食而餽雙耳嘈雜  
精宥神怖形之夢寐彷彿會晤咀桂嚼杜比像  
陳賦蟾蜍夏蛻額廣平而春蛾出甬修眉揚而  
白雲懷山黛浮明而朝星流離目端詳而華瓠  
列犀齒微呈而含桃龜膚口欲言而菡萏承露  
舌含藏而蝦蟇蝕月顛髮圓而毒蠆搖尾髻含  
風而鴉羽齊奮飾梳妝而游魚吹日口輔良而

蝶翅輕暈鼻端中而恒月泳波大宅黃而琵琶  
曲項肩削成而蝤蛸嚙李領文章而霧素一束  
腰無馮而鼠姑舒合體修長而酥凝脂結袵微  
傾而鶯翎半擘爪有光而玉鈎聯屈指節纖而  
蓮本雪素臂仍攘而角弭脫鞞履高墻而輕颺  
捲霧行褰裳而梨花轉夜睡未明而溫泉浸玉  
澡蘭湯而陽和駘宕醉敖翔而咏曰纏火齊兮  
璵木難簪鳴凰兮釵琅玕絡瑟瑟兮銀指環被

珠綬兮龍係臂珮璜而澗兮褶翡翠金裾鈞兮  
繡曳地檐黃潤兮祀方空綈倒頓兮玉膏管基  
丹穀兮素五綜麗炎炎兮倫無雙

金粉福地賦

閩山右姓策府元勳玉節凌霄而建金符奕世  
而分位定高明補媧天以五石職俾貞觀捧堯  
日以三雲四庫唐書祕殿分球琳之賜九州禹  
跡丹書鐫帶礪之文館備鳳鸞之佳客衛總虎

貌之禁軍載賦卜居當清谿之曲列陳支戟倚  
赤山之氛揆定星於北陸察景日於南熏篋粉  
釵金借霧光於織女移山變海假福地於茅君  
竹苞矣而秩秩木向榮而欣欣由余論制般輸  
運斤屈戍垂環朱提塗其獸鈕觚稜戴刃白蓉  
染其蠶紋碧瑣離離素女窺月中之影白榆歷  
歷青龍伏天上之群麗抗萬金名齊百子貯四  
姓之良家延諸姑與伯姊鳴鏢回廊探瓢幽水

行行細簡石榴蹙抱柱之君、蠹蠹高墻海馬繡  
凌波之履、婉孌無名、穠纖合軌、賦成洛水、陳王  
盡八斗之才、夢出巫山、楚帝薦三盃之醴、蝴蝶  
以胭脂作隊、玉樹以芙蓉爲蓋、瑤池疏潤、演麗  
於九春、折木分輝、流光於千里、香合麝臍、痕勻  
獺髓、九華妝篋、長緘、楚國之蘅、蘭八寶鏡、臺爛  
闔武家之桃李、映陽光而獨照、攬輕塵而四起、  
習成雅步、風細細而無聲、學得官妝、月亭亭而

不倚麗軼、先施賢過、鄧曼冠南都之顏色、充中  
庭之舞、萬連環不解、明珠度寸、扶桑宮裏、有夫  
婿之侯、芳艸天涯、無王孫之怨、傳霓裳於廣寒、  
織雲錦於霧漢、常山罷玉釵之詠、阿谷置銀璜  
之瀚、繡幕圍兮春盃、長夜錦衾、燦兮宵燈、獨旦  
別有沙堤、曲通珣岸、黃金建百尺之臺、白玉作  
九成之觀、屏裁雲母、隔閨風而不疎、梁鏤鬱金、  
承朝陽而長爛、珠璣錯三千之履、紫絲垂七十

唐何遜集卷一  
之幔粵若富春樂彼韶年河陽之花似霰宜城  
之酒如泉分曹打馬對局意錢織錦竇姬薦朝  
陽之賦卷衣秦女和夜夜之篇寶葉映綦履而  
雅步銀花逐笑靨而同圓麗色難評萬樹過墻  
之杏韶光獨占一枝出水之蓮四坐吐茵無非  
狹客兩行垂珮共號神仙風裏摩衣接金星而  
燦爛月中試管倚玉樹而嬋娟青鳥黃鳥盡是  
瑤池之佳俠太喬小喬無非銅雀之可憐單衫

裁生仁之杏子鬆鬢擁脫殼之蜩蟬錦袖琵琶  
眼畱青於低頭金釵宛轉面發紅於近前一笑  
傾城兮再傾國胡然而帝也胡然天樂句雕香  
舞衣裁縞步搖擁翠葳蕤却火之珠充耳以黃  
聯絡澄泥之寶鴛鴦在梁永錫難老金玉滿堂  
惟躬是保北門文學銜題鸞鳳上苑英華使稱  
花鳥秋千院落日五丈而花陰陰燈火樓臺月  
三更而人擾擾慄影內堂鎖聲別沼浮閒館於



波心飛重闌於木杪、冰池分北湖之新漲、妝鏡  
開西山之清曉、屈曲回屏、高低覆椽、蜘蛛織三  
更之雨、蘼蕪詠一庭之艸、珠簾以珊瑚作鈎、翠  
帳以芙蓉爲葆、左思解賦、煉詞以十年、豎亥健  
步、尋源於三島、神仙多戲、造化無私、海中之地  
可緬、壺裏之天、鮮窺萬里、石塘貫八垓之機軸、  
三重銀戶、入九曲之摩尼、凌熒借地、嘉福分基、  
東園頌蛺蝶之噫矣、南浦賦芍藥之伊、其抱明

月而長游、乘清風而忘歸、畢媒珍異、總攝褒奇、  
汎神祖於八月、飛車較於三危、漢帝望仙、空駐  
八公之蹕、淮王好士、漫著三山之詞、仰看銀榜、  
俯卽瑤池、高唐狀如日也、弱水可以航之、合天  
淵於跬步、渾聖凡之二岐、况復主人實爲國華、  
食客三千之田氏、去天尺五之韋家、卮角領畱  
都之鎮、十年開扈、從之衙、忘形下士、莊生之鵬  
鷁、投身事主、介子之龍蛇、奉陶明允、吉甫采嘉

珠出胎而特莹玉絕肪爾無瑕明哲猶水之生  
水正直豈蓬之在蔴不伎不求何所用而不臧  
盡善盡美將無譽之可加游秬餘情誦折枝之  
句撫綏乘間燕舜樹之花羅敷罷蠶碧玉破瓜  
神鸞作駕嫦娥離二八之月靄鵲成橋天孫下  
七夕之車釵珮相磨笙歌遞出展黛蕊於雙眉  
鬪黃花於半額桃葉渡頭開團扇之新聲梅根  
渚上邀長檣之行客悠悠萬事付半帟之埃塵

默默微情託一箱之朱碧盡將冶麗之叢轉託  
高明之宅後檻前屏終南少室樹號長春酒名  
千日猶二士之入桃比四仙之居橘論道不殊  
謀揆則一借王勃之風奮江淹之筆咀蘭成詠  
漢殿分香刻葉為題鄭公借術竭雕蟲之薄技  
傾鉛華而盡述

惜梅賦

縣庭有梅株焉吾不知植於何時蔭一畝其疎

疎香數里其披披侵小雪而更繁得隴月而益  
奇然生不得其地俗物混其幽姿前晉史之紛  
拏後囚繫之嚶咿雖物性之自遣揆人意而非  
宜旣不得薦嘉實于商鼎效微勞于魏師又不  
得託孤根于竹間遂野性于水涯悵驛使之未  
逢驚羌笛之頻吹恐飄零之易及雖清絕而安  
施客猶以爲妨賢也而諷余以伐之嗟夫吾聞  
幽蘭之美瑞乃以當戶而見移茲昔人所短顧

仁者之不爲吾迂數步之行而假以一席之地  
對寒艷而把酒嗅清香而賦詩可也

樂府

短歌行

尊酒前陳欲舉不能感念疇昔氣結心冤日月  
悠悠我生告適民言無欺秉燭夜遊昏期在房  
蟋蟀登堂伐絲比簧庶永憂傷憂來如絲紛不  
可治綸山布谷欲出無岐頰頰若穴爇爇莫絕

無言不疾鼠思泣血霜落飄颻鴉栖無巢毛羽  
單薄雌伏雄號緣子素纓灑掃中庭躑躅躑躅  
仰見華星來日苦少去日苦多民生安樂馬知  
其他

相逢行

相逢狹邪間車窒馬不旋雖言異鄉縣豈非往  
世緣脫轂且卷鞭高揖問君塵女弟新承寵阿  
大李延年何以結歡愛渠盃出于閩女蘿與青

松本是當纏綿

出塞二首

烽火照玄菟嫖姚召僕夫朱家薦逋虜刀閒出  
黥奴六郡良家子三輔弛刑徒茄度烏啼曲旗  
參虎落圖寶刀裝鞞琫名駒被鏤渠縱金出孤  
竹飛旗掩二榆妖雲壓亾塞珥月照窟胡勤兵  
收日逐潛軍執骨都姑衍山重禪燕然石再刳  
功成肆郊廟雄郡却分符

其二

烽火通麟殿，嫖姚拜虎符。  
馬聲分內廐，旗影發前驅。  
六郡良家子，三輔弛刑徒。  
夜帳傳刀斗，秋風感蟪蛄。  
功成築京觀，萬里血糊塗。

紫驪馬

紫驪垂素韁，光輝照洛陽。  
連錢裁璧玉，障泥圖鳳皇。  
夜赴期，悶會朝，逐羽林郎。  
陰山烽火急，展策願超驤。

驄馬驅

悠悠驄馬驅，道阻歲云晚。  
豈無同裘士，念子不能飯。  
木脫辭故枝，去家日已遠。  
鳴雞戒前道，夕暝猶驅蹇。  
筋力已非舊，淚下不可卷。

俠客

俠客重功名，西北請專征。  
慣戰弓方捷，酬知性命輕。  
孟公好驚坐，郢解始橫行。  
相將李都尉，一夜出平城。

隴頭

隴頭寒多風卒伍夜相驚轉戰陰山道暗度受  
降城百萬安刀靶千金絡馬纓日晚塵沙合虜  
騎亂縱橫

隴頭水

隴水分四注隴樹雜雲烟磨刀共斂甲飲馬並  
投錢朔地風初合交河水復堅寒禁不能語烏  
孫掠酒泉

咏春江花月夜

麝月重輪三五夜玉人聯槳出霧娥內家近製  
河汾曲樂府新諧役鄧歌十里花香通綵殿萬  
枝燈焰照春波不關仙客饒芳思晝短歡長奈  
樂何

春江花月夜二首

嘉樹鬱娑娑燈花月色和春江流粉氣夜水濕  
裙羅

其二

夜霧沉花樹、春江溢月輪、歡來意不持、樂極詞難陳、

五言古詩

白髮

清朝攬明鏡、玄首有華絲、愴然百感興、雨泣忽成悲、憂思固逾度、榮衛豈及衰、天壽不疑天、功名須壯時、涼風中夜發、皓月經天馳、君子重言

行努力以自私

伏承履吉王君以長句見贈作此為答

歲月信言邁、吾生已休焉、春滋未淹暑、暑退大火流、灑掃庭戶間、整飾衣與裘、玄鳥樂高蔭、攀援聊淹留、仲尼悲執鞭、富貴不可求、揚朱泣路岐、彷徨何所投

聞蛩

孟夏蟋蟀鳴、白露零蔓艸、四岢序相代、候物興

何早游子尚寒襦佇聽傷懷抱隙景無淹晷壯  
志坐衰老

夜中思親

玄序潛代運穠華不久鮮仰視鴻雁征俯悼立  
中賢迅駕杳難追庭止念周旋殺身良不惜顧  
乃二人憐嘉昔羞芟棗涕泗徒畱連

傷內

淒淒白露零百卉謝芬芳槿花易衰歇桂枝就

銷亾迷塗無生駕欵欵何從將曉月麗麗梁白  
日照春陽撫景念疇昔肝裂魂飄揚

贈文學朱君別號簡庵詩

居敬以行簡仲尼之所珍易簡合至道乃可臨  
夫民邇來太朴散瑣尾而頑嚚失君何所見爰  
以簡自云吉人之詞寡長者之情真言寡則可  
信情真則可親皆是簡之要料能體諸身我欲  
君念茲作詩為重陳



七言古詩

咏梅次楊廉夫韻

北風着面刮起霜，蜡月何處尋紅芳。  
瘦筇曳盡湘竹節，雙鞋踏倒江莎苳。  
谿橋突兀田塍裂，雪裏梅開梅勝雪。  
不妨地上有微冰，且是江南好明月。  
羅浮仙子麗風韻，廣平才人領花信。  
胸中漫有鍊石腸，眼前且看鴉雛鬢。  
三更多炙燈雁足，缸十干沽酒螭頭觴。  
折得隴頭逢驛使，先與天

下頒春王衲衣結，鵲何愁冷醉眼。  
模糊長不醒，游遍西湖夜繼明。  
休把東風負俄頃。

題五王夜燕圖

積善坊中五王宅，重樓複閣開輝金。  
碧衾長枕共春秋，鬪雞走狗連朝夕。  
花萼樓前夜開燕，沈水凝烟燈吐燄。  
列坐申王與岐薛，讓皇降席同南面。  
昆侖琵琶涼州歌，當峇進御雜雲和。  
宮聲不屬商聲暴，琵琶聲起少琵琶。  
聲多獨有汝陽知律。

呂曾把流離陳明主他日回鑿蜀道中不教番  
聽鈴淋雨

題潯陽送別圖

寂落潯陽白司馬青衫掩胥官僚下獻納親曾  
批逆鱗忽以讒言弃於野當昔藩鎮在謀逆謀  
以如公不易得欲濟時艱須異才瑣尾小人有  
何益謹言不用昔事危忠臣志士最堪悲一曲  
琵琶淚如把況是秋風送別昔是非公論日絲

紛不在朝廷在野人他日江州茅屋底年年伏  
臘賽雞豚

席上荅王履吉

我觀古昔之英雄忼慨然諾盃酒中義重生輕  
歎知己所以與人成大功我觀今日之才彥交  
不以心惟以面面前斟酒酒未寒面未變昔心  
已變區區已作老郵莊英雄才彥不敢當但恨  
今人不如古高歌伐木矢滄浪感君稱我為奇

士又言天下無相似庸庸碌碌我何奇有酒與  
君斟酌之

七夕賦贈織女

神雲矯矯月離離帝子飄飄卽故期銀臺極夜  
畱魚鑰珠殿繁更繞鳳旗霧津駕鵲將言就咸  
池沐髮會令晡含情忍態辭文席七襄仍弄昨  
朝絲

江南春次倪元鎮韻二首

梅子墮花菱孕筭江南山部朝輝靜殘春鞦韆  
試東郊綠池橫浸紅橋影古人行處青苔冷館  
娃宮鎖西施井低頭照井脫紗巾驚看白髮已  
如塵

人命促來光陰急淚痕漬酒青衫濕少年已去追  
不及仰看烏沒天凝碧鑄鼎銘鐘封豕邑功名  
讓與英雄立浮生聚散是浮萍何須日夜苦蠅  
營

姑蘇八詠

天平之山何其高巖巖突兀凌青霄風回松叡  
烟濤綠飛泉漱石穿平橋千峰萬峰如秉笏峻  
峻嶒嶒相壁立范公祠前映夕暉盤空翠黛寒  
雲濕右天平山

其二

高臺築近姑蘇城千年不改姑蘇名画棟雕楹  
結羅綺面面青山如翠屏吳姬窈窕稱絕色誰

知一笑傾人國可憐遺趾俱荒涼空林落日寒  
烟織右姑蘇臺

其三

昔傳洲上百花開吳王游樂乘春來落紅亂點  
溪流碧歌喉舞袖相徘徊王孫一去春無主望  
帝春心歸杜宇啼向空山不忍聞淒淒芳艸迷  
烟雨右百花洲

其四

唐何遜集卷一  
花開爛熳滿邨塢風烟酷似桃源古千林映日  
鶯亂啼萬樹圍春燕雙舞青山寒絕無烟埃劉  
郎一去不復來此中應有避秦者何須遠去尋  
天台右桃花塢

其五

繁花漫道當年甚舉目荒涼秋色凜寶琴已斷  
鳳皇吟碧井空雷麋鹿飲響屧長廊故幾閒於  
今惟見艸斑斑山頭只有舊昔月曾照吳王西

子顏

右響屧廊

其六

金閶門外楓橋路萬家月色迷烟霧譙閣更殘  
角韻悲客船夜半鐘聲度樹色高低混有無山  
光遠近成糝糊霜華滿天人怯冷江城欲曙聞  
啼鳥右寒山寺

其七

長洲苑內饒春色潑黛巒光翠如濕銀鞍玉勒

唐伯虎集卷一  
闔香塵多少遊人此中集薄莫山池風日和燕  
兒學舞鶯調歌當年勝事空陳迹至今遺恨流  
滄波 右長洲苑

其八

具區浩蕩波無極萬頃湖光淨凝碧青山點點  
望中微寒空倒浸連天白鴟夷一去經千年至  
今高韻人猶傳吳越興亾付流水空留月照洞

庭舟

右洞庭湖

花下酌酒歌

九十春光一擲梭花前酌酒唱高歌枝上花開  
能幾日世上人生能幾何昨朝花勝今朝好今  
朝花落成秋艸花前人是去年身去年人比今  
年老今日花開又一枝明日來看知是誰明年  
今日花開否今日明年誰得知天豈不測多風  
雨人事難量多齟齬天豈人事兩不齊莫把春  
光付流水好花難種不常開少年易老不重來

人生不向花前醉，花笑人生也是呆。

桃花庵歌

桃花塢裏桃花庵，桃花庵裏桃花仙。  
桃花仙人種桃樹，又摘桃花換酒錢。  
酒醒只在花前坐，酒醉還來花下眠。  
半醒半醉日復日，花落花開年復年。  
但願老死花酒間，不願鞠躬車馬前。  
車塵馬足貴者趣，酒盞花枝貧者緣。  
若將富貴比貧者，一在平地一在天。  
若將花酒比車馬，他得驅

馳我得閒，別人笑我忒風顛。  
我笑他人看不穿，不見五陵豪傑墓。  
無花無酒鋤做田。

一年歌

一年三百六十日，春夏秋冬各九十。  
冬寒夏熱最難當，寒則如刀熱如炙。  
春三秋九號溫和，天氣溫和風雨多。  
一年細算良辰少，況有難逢美景何。  
美景良辰儻遭遇，又有賞心并樂事。  
不燒高燭照芳尊，也是虛生在人世。  
古人有言達無

千秋  
快

唐仙傳集卷一  
哉勸人秉燭夜游來春宵一刻千金價我道千金買不回

○一世歌

人生七十古來少前除幼年後除老中間光景不多肯又有炎霜與煩惱花前月下得高歌急須滿把金尊倒世上錢多賺不盡朝裏官多做不了官大錢多心轉憂落得自家頭白早春夏秋冬撚指間鐘送黃昏雞報曉請君細點眼前

人一年一度埋芳艸艸裏高低多少墳一年一半無人掃

○把酒對月歌

李白前昔原有月惟有李白詩能說李白如今已仙去月在青天幾圓缺今人猶歌李白詩明月還如李白昔我學李白對明月月與李白安能知李白能詩復能酒我今百盃復千首我媿雖無李白才料應月不嫌我醜我也不登天子



唐仙舟集卷一  
船我也不上長安眠姑蘇城外一茅屋萬樹桃  
花月滿天

醉書歌

地水火風成假合合色聲香味觸法世人癡呆  
認做我惹起塵勞如海闊貪嗔癡作殺盜淫因  
緣妄想入無明無明卽是輪回始信步將身入  
火坑朝去求名莫求利面作心欺全不計上牀  
夜半別鞋子方悔昨朝搬戲鬼它人謀我我謀

它冤冤相報不曾差一身欠債還它債請君賺  
鍊去拖車種堪愛惜色堪貪它家妻子自家男  
不是冤家頭不聚鍊枷自有愛人擔幾番歿今  
幾番活大夢無弔閒聒聒都是自家心念生無  
念無生卽解脫歿生無常繫雙足莫待這番重  
瞑目人身難得法難聞如針投芥龜鑽木自補  
衲衣求飯喫此道莫推行不得拚却這條窮性  
命不成些事何須惜數息隨止界還靜修頌修

吾自定集卷一  
三

行入真定空山落木狼虎中十卷楞嚴親考訂  
不二門中開鎖鑰鳥龜生毛兔生角諸行無常  
一切空阿耨多羅大圓覺一念歸空拔因果墮  
落空見仍遭禍禪人舉有着空魔猶如避溺而  
遭火說有說無皆是錯夢境眼花尋下落翻身  
跳出斷腸坑生滅滅已寂滅樂

怡古歌

人心不古今非昨大雅所以久不作宣尼歎生

觚不觚良為真純日雕琢大禹寶鼎沉泥沙宣  
王石鼓已剥落世間耳目紐時俗聞見安能免  
齷齪沛國劉君天下賢形體則人心則天好尚  
獨與昔俗異神游直出羲農前三王制作列鼎  
鼈四壁圖畫飛雲烟汗牛充棟不可計怡然尊  
偃於其間君之此志無人識我將管蠡聊窺測  
心期欲見古之人不見古人愛古物漢唐蕭曹  
與房杜夏商伊周并契稷上下三千六百年與

君同心復同德

焚香默坐歌

焚香默坐自省已口裏喃喃想心裏心中有甚  
害人謀口中有甚欺心語爲人能把口應心孝  
弟忠信從此始其餘小德或出入焉能磨涅吾  
行止頭插花枝手把盃聽罷歌童看舞女食色  
性也古人言今人乃以之爲恥及至心中與口  
中多少欺人沒天理陰爲不善陽掩之則何益

矣徒勞耳請坐且聽吾語汝凡人有生必有歿  
歿見先生面不慚才是堂堂好男子

解惑歌

紛紛眼底人千百或學神仙或學佛學仙在煉  
大還丹學佛來尋善知識彼要長生享富豪此  
要它生饒利益忠孝於其道不同且把將來挂  
東壁我見此輩貪且癡漫作長歌解其惑學仙  
學佛要心術心術多從忠孝立惟孝可以感天

地惟忠可以貫金石天地感動金石開證佛登  
仙如芥拾佛知過去未來事仙有通天徹地力  
任你嚵囉閃賺高這兩箇人瞞不得神仙福地  
是蓬萊釋迦天宮號堯率不在西天與東海只  
在人心方只尺

世情歌

淺淺水長長流來無盡去無休翻海狂風吹白  
浪接天尾間吸不收卽如我輩住人世何榮何

辱何樂何憂有昔邯鄲夢一枕有昔華胥酒一  
甌古今興亾付詩卷勝負得失歸松楸清風明  
月用不竭高山流水情相投莫羨自晦朔蘭菊  
自春秋我今視昔亦復爾後來還與今昔侷君  
不見東家暴富十頭牛又不見西家暴貴萬戶  
侯雄聲赫勢掀九州有如洪濤汹涌世界欲動  
天將浮忽然一日風打舟斷篷絕鞭無少畱桑  
田變海海爲洲昔昔聲勢空喧啾嗚呼何如淺

淺水長長流

漁樵問答歌

漁翁舟泊東海邊，樵夫家住西山裏。兩人活計山水中，東西路隔萬千里。忽然一日來相逢，滿頭短髮皆蓬鬆。盤桓坐到日卓午，互相話說情何濃。一云深山有大木，中有猛獸喫人肉。不如平園采短薪，無慮無憂更無辱。一云江水有巨鱗，滔天波浪驚殺人。不如蘆花水清淺，波濤不

作無怨心。吾今與汝要知止，凡事中間要謹始。生意宜從穩處求，莫入高山與深水。

妒花歌

昨夜海棠初着雨，數朵輕盈嬌欲語。佳人曉起出蘭房，折來對鏡比紅妝。問郎花好奴顏好，郎道不如花窈窕。佳人見語發嬌嗔，不信奴花勝活人。將花揉碎擲郎前，請郎今夜伴花眠。

詠漁家樂

世泰豈豐芻米賤買酒頗有青銅錢夕陽半落  
風浪舞舟船人港無危顛烹鮮熟酒招知己滄  
浪迭唱仍扣舷醉來舉盞酌明月自謂此樂能  
通仙遙望黃塵道中客富貴於我如雲烟

長悵詞

長悵莫怪少昔年百丈游絲易惹牽何歲逢春  
不悵悵何處逢情不可憐杜曲梨花盃上雪灞  
陵芳艸夢中烟前

骨禪老後思量應不悔衲衣持盃院門前

七夕歌

人間一葉梧桐飄蓐收行秋回斗杓神官召集  
役霧鵲直渡銀河橫作橋河東美人天帝子機  
杼年年勞玉指織成雲霧紫綃衣辛苦無歡容  
不理帝憐獨居無與娛河西嫁與牽牛夫自從  
嫁後廢織紉綠鬢雲鬟朝莫梳貪歡不歸天帝  
怒責歸却踏來昔路但令一歲一相見七月七

日橋邊渡別多會少如奈何却憶從前歡愛多  
匆匆萬事說不盡玉龍已駕隨羲和河漢千官  
催曉發令嚴不肖輕離別便將淚作雨滂沱淚  
痕有盡愁無歇吾言織女君莫嘆天地無窮會  
相見猶勝姮娥不嫁人夜夜孤眠廣寒殿

杜士雅

張方裕

金聲遠

潘貞度

陸慎修

黃經

董孝初

顧之璉仝校

一卷終

唐伯虎集卷二

沈思及之輯并書

吳趨唐寅著

雲間曹元亮寅伯校

五言近體

聽彈琴瑟

高厦列明燈展瑟復張琴柔絲亂弱指遞節赴  
繁音寶雁難齊布金星合漫尋相逢且相樂不  
惜解羅襟

送王履約會試

雨雪關河晚風沙鴻雁來送君將寶劍攜手上  
金臺錦繡三千牘天人第一才楊雄新賦就聲  
價重蓬萊

游焦山

亂流尋梵刹灑酒瀉襟期西北分天塹東南缺  
地維高臺平落鷺清磬起潛螭千古基王業來  
游有所思

桃花庵與祝希哲諸君同賦五首

茅茨新卜築山木野花中燕婢泥銜紫徂公果  
獻紅梅梢三鼓月柳絮一簾風匡廬與衡岳彷彿  
夢相通

列五分高下梧盤集俊賢五陵通俠逸四姓號  
神仙春月襟期好秋風下射聯遙知文集處伐  
木有詩篇

泉源深透迤嘉樹亂芳妍地縮武陵脈軒開鬱  
藍天寄情聊虺蜃隨手奏觥船別誤游仙調臨



池促管絃

借問竹谿逸今見竹谿亭陳跡難題品清風尚  
典刑密叢圍曲砌高節映疎櫺借看應容我西  
風兩眼青  
六尺青苔骨醜麴稱醉眠不勞人荷鍤喜有葉  
如瓊白眼西風裏黃花小徑邊嘯聲多伴侶可  
惜一陶然

馬

天上飛龍廐關西犢鼻駟承恩披玉兔弄影浴  
金沙舞獻甘泉酒驕嗾內苑花丹青流落處駑  
馬尚堪誇

送行

牢落三盃酒飄飄一葉舟行人還遠路寒色上  
貂裘此日傷離別還家足唱酬蕭齋煩掃榻為  
我醉眠謀

題画

鞋襪東城路清和四月警游姬香滿袖明月水  
平池画燭畱錫市酸風颭酒旗少年行樂地不  
許衆人知

● 題谿山疊翠卷

春林通一徑野色此中分鶴跡松陰見泉聲竹  
裏聞艸青經宿雨山紫帶斜曛采藥知何處柴  
門掩白雲

五言排律

賀松郡伯壽誕

傳相騎箕宿申侯降岳神百年生國士一德格  
天人君子弘斯道皇皇福下民登庸第高等簡  
在命來旬冀北空豪傑江南失屢貧席香畱粉  
署露冕駕朱輪襦袴今歌惠絲綸待秉鈞初筵  
稱誕節獻歲發陽春進酒稽擊玉行厨備擘麟  
蕪詞何以祝海底看揚塵

七言近體

登吳王郊臺

昔人築此不論程今日牛羊向上行吳兒越女  
齊聲唱菱葉荷花無數生南山含雨眉俱潤西  
湖映日掌同平本由萬感銷非易詎言哀樂過  
群情

仲夏三十日陪弘農楊禮部丹陽都隱君

虎丘汎舟

朱明麗景屬炎州蘭橈桂楫遂娛遊逐蔭追颺

暫容與回波轉藻若夷猶日承綺扇釵光發山  
入仙栢酒氣柔幸奉瑤麾論所願皓首期言伏  
此丘

遊金山

孤嶼崢嶸插水心亂流攜酒試登臨人間道路  
江南北地上風波世古今春日客途悲白髮給  
園兵燹廢黃金閣黎宵借翻經榻烟雨來聽龍  
夜吟

焦山

鹿裘高士帝王師，井竈猶存舊隱基。  
日轉露臺明野漱，潮隨齋磬韻江湄。  
天從西北開天塹，地到東南缺地維。  
翹首三山何處所，卻看身世使人悲。

廬山

匡廬山高高幾重，山雨山煙濃復濃。  
移家未住屏風疊，騎驢來看香爐峰。  
江上烏帽誰渡水，岩

際白衣人采松，古句畱厓磨歲月。  
讀之漫滅為修容。

巖灘

漢皇故人釣魚磯，魚磯猶昔世人非。  
青松滿山響樵斧，白舸落日曬客衣。  
眠牛立馬誰家牧，鷓鴣無數飛。  
嗟余漂泊隨饘粥，渺渺江湖何所歸。

觀鰲山四首

禁籥森嚴夜沈寥燈山忽見翠岩堯六鰲並駕  
神仙府雙鵲聯成帝子橋星振珠光鋪錦繡月  
分金影亂璫瑤顧身已自登緱嶺何必秦姬奏  
洞簫

金吾不禁夜三更寶斧修成月倍明鳳蹴燈枝  
開夜殿龍銜火樹照春城蓮花捧上霓裳舞松  
葉纏成熱戲棚栝進紫霞君正樂萬民齊口唱  
昇平

仙殿深嚴號太霞寶燈高下綴靄相沈香連理  
三珠樹結綵分行四照花水激葛陂龍化杖月  
明緱嶺鳳隨車簫韶沸處開官扇法仗當墀雁  
隊斜

上元佳節麗仙都內殿歡游愜睿圖壁際金錢  
銜鸞馱鳥水中鏡網出珊瑚鼓將百戲分爲埒燈  
把三山挈入壺不是承恩參勝賞歌謠安得繼  
康衢

霜中望月悵然興懷 以下新輯

高天綠色靜沈沈銀月飛光綵霧深來鴻去雁  
無留影鳴機急杵動愁心色連太液珠迷海影  
照扶桑雪作林不是王生悲異國自綠風物重  
露衿

和沈石田落花詩三十首

今朝春比昨朝春北阮番成南阮貧借問牧童  
應沒酒試嘗梅子又生仁六如偈送錢塘妾八

斗才逢洛水神多少好花空落盡不曾遇着賞  
花人

夕陽芳艸笛悠悠春事驚看又轉頭浙瀝風光  
搖艸樹驂驛時節逐川流臨階忍數脂千片遶  
樹空煩繡半鈎九十繁華梭脫手多情又作一  
番愁

忍把殘紅掃作堆紛紛雨裏毀垣頽蛤蜊上市  
驚新味題鳩催人再洗杯豈唱驅歌送春去悔

教羯鼓徹明催爛開賺我平添老知到年來可  
爛開

能賦相如已倦游傷春杜甫不禁愁頭扶殘醉  
方中酒面對飛花怕倚樓萬片風飄難割舍五  
更人起可能畱妍媸雙脚撩天去千古茫茫土  
一丘

芒鞋布襪罷春游粉蝶黃蜂各自愁池面風回  
公族聚陌頭人向鞠場休膠黏日月無長策酒

對茶蘼有近憂蘇小堤頭試翹首碧雲莫合隔  
紅樓

谿水東流日轉西杏花零落艸萋迷山翁既醒  
依然醉野鳥如歌復似啼六代寢陵埋國媛五  
侯車馬闔家娛隣東謝卻看花伴陌上無心手  
共攜

春歸不得駐須臾花落仍知剩有無新艸漫侵  
天際綠衰顏又改鏡中朱映門未遇偷香掾墜

溷番成逐臭夫無限傷心多少淚朝來枕上眼  
應枯

蟄燕還巢未定時山翁散社醉扶兒紛紛花事  
成無賴默默春心怨所私雙臉胭脂開北地五  
更風雨葬西施匡牀自拂眠青畫一縷茶煙颺  
鬢絲

春盡愁中與病中花枝遭雨又遭風鬢邊舊白  
添新白樹底深紅換淺紅漏刻已隨香篆了錢

囊甘為酒栝空向來行樂東城畔青州池塘亂

活東活字  
疑誤

崔微自寫鏡中真洛水誰傳賦裏神節序推移  
比彈指鉛華狼籍又辭春紅顏仙蛻三生骨紫  
陌香消一丈塵遮樹百回心語口明年勾管是  
何人

簇簇雙攢出親眉淹淹獨立曲闌時千年青塚  
空埋怨重到玄都好賦詩瓦竈酒香在在未回



梁燈暗落塵絲尋芳了卻今年債又見成陰子  
滿枝

花開共賞物華新花謝同悲行跡塵可惜錯拋  
傾國色無緣逢着買金人熒熒愛水衫前淚渺  
渺游菟樹底春一翼悲歡因色相欲從調御懺  
癡嗔

天涯掩盜碧雲橫春社園林紫燕輕桃葉參差  
誰問渡杏花零落憶題名日高蘚雜蝸黏壁雨

過鶯啼葉滿城邀得大堤諸女伴踏歌何處和  
盈盈

節當寒食半陰晴花與蜉蝣共歿生白日急隨  
流水去青鞋空作踏莎行收燈院落雙飛燕細  
雨樓臺獨轉鶯休向東風訴恩怨自來春夢不  
分明

紅塵拂面望春門綠艸齊腰金谷園鶴篆遍書  
苔滿徑犬聲遙在月明邨春風院院深籠鎖細

雨紛紛欲斷魂、拾得殘紅忍拋卻、阿成頭上伴

銀旛

春來赫赫去忽忽、刺眼繁華轉眼空、杏子單衫  
初脫、暖梨花深院自多風、燒燈坐盡千金夜、對  
酒空思一點紅、倘是東君問魚雁、心情說在雨  
聲中

舊酒新啼滿袖痕、憐香惜玉竟難存、鏡中紅粉  
春風面、燭下銀屏夜雨軒、奔月已、搗丹換骨墜

樓端把歎、酬恩長洲日、莫生芳艸、消盡江淹黯  
黯魂

嗚嗚曉角起春城、巧作東風撼地聲、燈照檐花  
開且落、鴉栖庭樹集還驚、紅顏不為琴心駐、綠  
酒休辭盞面盈、默對妝奩閒自較、鬢絲又見一  
年贏

萬紫千紅莫謾誇、今朝粉蝶過鄰家、昭君偏遇  
毛延壽、高穎不憐張麗華、深院青春空自鎖、平

原紅日又西斜、小橋流水閒邨落、不見啼鶯有  
吠蛙、

滿堂歡笑強相陪、別有愁腸日九回、時序又驚  
梁燕乳、年華偏愛隙駒催、香消衣帶傷腰瘦、夢  
斷遼陽、沒信來門掩黃昏、花落盡、牛酥且薦掌  
中杯、

貌嬌命薄兩難全、月暗花殘謝世緣、年老盧姬  
悲晚嫁、日高黃鳥喚春眠、人生自古稀七十、斗

酒何論價十千、痛惜穠纖又遲莫、好燒銀燭覆  
船船、

花落花開總屬春、開時休羨落休嗔、好知青州  
骷髏家、就是紅樓掩面人、山屐已教休汎蠟柴  
車、從此不須巾、仙塵拂劫同歸盡、墜處何須論  
厠茵、

亞字城邊麋鹿臺、春深情況轉幽哉、襍衣玉貌  
乘風去、對酒蓬窗帶雨推、結子桃花如雨落、挾

雌蝴蝶過牆來、江南多少閒庭館、朱戶依然鎖  
綠苔、

桃蹊李徑謝春榮、斗酒芳心與夜爭、陌上新楊  
麴塵暗、墻頭圓月玉盤傾、青帘巷陌無行跡、繡  
襦腰肢覺瘦生、莫道無情何必爾、自緣我輩正  
鍾情、

惻惻悽悽憂自恹、花枝零落鬢絲添、週遮燕語  
春三月、蕩漾波紋日半簾、病酒不堪朝轉劇、聽

風且喜晚來恬、綠楊影裏蒼苔上、為惜殘紅手  
自拈、

楊柳樓頭月半規、笙歌院裏夜深時、花枝的的  
難長好、漏水丁丁不肯遲、金釧袖籠新藕滑、翠  
睂陰映小蛾垂、風情多少愁多少、百結愁腸說  
與誰、

春朝何處默凭闌、庭艸驚看露已團、花并淚絲  
飛點點、絮飛眼纈望漫漫、書當無意開孤憤、帶

唐作虎集卷二  
有何心縮合歡。且喜殘叢猶有在，好隨修竹報平安。

桃花淨盡杏花空，開落年年約畧同。自是節臨三月莫，何須人恨五更風。撲檐直破簾衣碧，上砌如欺地錦紅。拾向研羅方帕裏，鴛鴦一對正當中。

春夢三更雁影邊，香泥一尺馬蹄前。難將灰酒灌新愛，只有書囊報可憐。深院料應花似霰，長

門愁鎖日如年。馮誰對卻閒桃李，說與悲歡石上緣。

花朵馮風着意吹，春光弃我竟如遺。五更飛夢環巫峽，九畹招魂費楚詞。衰老形骸無昔日，凋零艸木有榮時。和詩三十愁千萬，此意東君知不知。

睡起

帟帳空明煖氣生，布衾柔軟曉寒輕。半窗紅日

唐伯虎集卷二  
搖松影一甌黃梁煮浪馨殘睡無多有滋味中  
年到底沒心情世人多被雞催起自不由身為  
利名

贈南野

野人茅屋向陽開荆織雙扉土築臺儘有雞豚  
供伏臘喜無玉步到蒿萊曉依寒日暴毛褐夜  
對中星舉酒盃我亦陸沈斯世者買鄰何日許  
相陪

江南送春

細雨簾櫳復送春倦游肌骨對宗人一番櫻筍  
江南節九十光陰鏡裏塵夜與琴心爭密燭酒  
和香篆送花神東君類我皆行客萍水相逢又  
一巡

與朱彥明諸子同游保叔寺

篋輿銜尾試臨汀蘭若從頭遍扣扃晨唄香凝  
通殿霧夜演燈散滿湖星登高新酒傾鄮白弔

古空山湧帝青，又算一番行樂處。詩成吟與故人聽。

枕上聞雞鳴

三通鼓角四通雞，曙色升高月色低。時序新冬又春夏，舟車南北更東西。鏡中次第人顏老，世上參差事不齊。若向其間尋穩便，一壺濁酒一餐藿。

西疇圖為王侍御作

鍤冠仙史隱城隅，西近平疇宅一區。準例公田多種秫，不教詩興敗催租。秋成爛煮長腰米，春作先驅丫髻奴。鼓腹年年歌帝力，不須祈穀幸操壺。

題画

湖上仙山隔渺茫，世塵不上度頭航。白蘋開處藏漁市，紅葉中間放鹿場。落日沈沙曾有影，新霜着樹橘生香。遙聞逋老經行處，芝艸葳蕤滿

路傍

元宵

有燈無月不娛人，有月無燈不算春。  
春到人間人似玉，燈燒月下月如銀。  
滿街珠翠游邨女，沸地笙歌賽社神。  
不展芳尊開口笑，如何消得此良辰。

題碧藻軒

回堂基構画船通，碧水漣漪碧藻叢。  
波弄日光

翻上棟窗含煙景，直浮空簾垂菡萏。  
花開上魚戲，闌干倒影中。  
試倩詩人畧評品，不妨喚作水晶宮。

沈徵德飲予於報恩寺之霞鷺亭酒酣賦

贈

水檻孺虛六月風，豪英相聚一尊同。  
水光錯落浮瓜綠，日影玲瓏透樹紅。  
認以上筵尊謾客喜，畱新契在禪宮。  
雲衢萬里諸公去，馬笠不知何



處逢

正德己卯承沈徵德顧翰學置酌禪寺見

招猥鄙杯酒狼籍作此奉謝

陶公一飯期眞報杜老三杯欲托身今日給孤  
園共醉古來文學士皆貧就題律句紀行跡更  
乞侯鯖賜美人公道吾痴吾道樂要知朋友要  
情眞

春日城西

衣試新裁襖試穿闔閭城外莫春天閒書朱墨  
鄉邨旆互界青黃菜麥田食祿有方生樂土太  
平無象是豐年兆民仰賴君王慶鞋報惟擎額  
上拳

散步

吳王城裏柳成畦齊女門前水拍堤賣酒當墟  
人裊娜落花流水路東西平頭衣襖和鞋試弄  
舌鈞輻繞樹啼此是吾生行樂處若爲詩句不

唐仙舟身卷二  
雷題

松陵晚泊

晚泊松陵繫短篷、埠頭燈火集船叢、人行煙靄  
長橋上月出蒹葭漫水中、自古三江稱禹跡、波  
濤五夜起秋風、鱸魚味美邨醪賤、放筯金盤不  
覺空

領解後謝主司

壯心未肯逐漁樵、泰運咸思備掃除、劍貴百金

方折閱玉遭三黜、忽沾諸紅綾、敢望明年餽黃  
絹、深慙此日書、三策舉場非古賦、上天何以得  
吹噓

送李尹

征途驅策信良堅、祖席驪歌散曉煙、花滿邑中  
無犬吠、塵疑梁上有魚懸、每游綠地畱詩榜、只  
把清風折俸錢、遺愛在民齊仰望、青雲一鶚正  
喬遷

長洲高明府過訪山莊失於迎迓作此奉

謝

重茅小構向城塚  
杖杜何煩顧道周  
題鳳在門驚迅筆  
驅雞上樹避鳴騶  
望塵有失迎車拜  
掃徑還期下榻留  
莫道腐儒貧徹骨  
濁醪猶可過墻頭

和雪中書懷

窗撐春蠟雪打團  
杯浮綠蟻酒衝寒  
挑來野菜

和根者尋着江梅帶  
薜搬暗笑無情牙齒冷  
孰看人事眼睛酸  
筋骸誰健頭顱老  
脫屣塵埃已不難

壽嚴民望母八十

八旬慈母女中仙  
九轉丹成妙入玄  
階暗彩衣娛白髮  
月明黃鶴下青天  
悅縣錦帶遙稱誕  
酒灑金卮共祝筵  
壽算欲知多少數  
蟠桃一熟九千年

唐伯元集卷二  
桃花庵與希哲諸子同賦三首

完無刻刻古頑蒼名借平泉出贊皇合寘賓筵  
銘敬德從來洙郡戒沈荒屈原特立昭忠節王  
績冥迓入醉鄉付與子孫為砥礪豈因快適縱  
壺觴

傲吏難容俗客陪對談惟鶴夢惟梅羽衣性野  
契徧合帟帳更寒曉未開長喉九皋風浙浙高  
眠一枕雪皚皚滿腔清思無人定付與詩篇細

剪裁

萬疊奇峰一片雲纖纖鳥道合還分江山只在  
晴時出笑語傳從別處聞遙望盡疑蛟蜃氣近  
來每有鹿麋羣登臨未擬何時節我欲一探星  
斗文

言懷二首

田衣稻衲擬終身彈指流年了四句善亦懶爲  
何况惡富非所望不憂貧山房一局金藤着野

店三柘石凍春莫此便為吾事辦半生落鬼太  
平人

笑舞狂歌五十年花中行樂月中眠漫勞海內  
傳名字誰論腰間缺酒錢詩賦自慚稱作者衆  
人多道我人仙些須做得工夫處莫損心頭一  
寸天

別劉伯暉

一別光輝二十年中間消息兩茫然忽銜救命

來英苑過訪貧家值暑天踏上青雲看鶚舉  
臨紅燭語蟬連料知別後應相念盡贈江東日  
莫煙

寄邵雲帆

我住蘇州君住杭蘇杭自古號天堂東西只隔  
路三百日夜那知醉幾場保叔塔將湖影浸館  
娃宮把麝臍香只消兩地堪行樂若到他鄉沒

主張

雨中小集卽事

煙篆風笠走輿臺、邀取羣公赴社來、蕉葉共聽  
窗下雨、蟹螯分弄手中、栢能容緩步、留夫子戲  
謔長眉老辨才、酒散不妨無月色、夾堤燈火棹  
船回、

花月吟效連珠體十一首

有花無月恨茫茫、有月無花恨轉長、花美似人  
臨月鏡、月明如水照花香、扶筇月下尋花步、攜

酒花前對月嘗、如此好花如此月、莫將花月作

尋常

花香月色兩相宜、惜月憐花臥轉遲、月落漫滌  
花送酒、花殘還有月、催詩隔花窺、月無多影帶  
月看花、別樣姿、多少花前月下客、年年和月醉  
花枝

月臨花徑影交加、花自芳菲月自華、愛月眠遲  
花尚吐、看花起、早月方斜、長空影動花迎月、深

唐何遜集卷二  
院人歸月伴花羨卻人間花月會  
撚花翫月醉  
流霞

春宵花月直千金愛此花香與月陰月下花開  
春寂寂花稍月轉夜沈沈  
栢邀月影臨花醉手  
弄花枝對月吟明月易虧花易老月中莫負賞  
花心

花開爛熳月光華月思花情共一家月為照花  
來院落花因隨月上窗紗十分皓色花輸月一

徑幽香月讓花花月世間成二美  
傍花賞月酒  
須賒

一庭花月正春宵花氣芬芳月正饒  
風動花枝探月影天開月鏡照花妖  
月中漫擊催花鼓花下輕傳弄月簫  
只恐月沈花落後月臺花榭兩  
蕭條

高臺明月照花枝對月看花有所思  
今夜月圓花好處去年花病月虧時  
飲拈酬月流花酒

做

首評花問月詩沈醉欲眠花月下只愁花月笑人癡

花發千枝月一輪天將花月付閒身或為月主為花主纔做花賓又月賓月下花曾留我酌花前月不厭人貧好花好月知多少弄月吟花有幾人

月轉東墻花影重花迎月鬼若為容多情月照花間露解語花搖月下風雲破月窺花好處夜

深花睡月明中人生幾度花和月月色花香處處同

花正開時月正圓花如紅錦月如銀溶溶月裏花千朵燦燦花迎月一輪月下幾般花意思花間多少月精神待看月落花殘夜愁殺花前問月人

春花秋月兩相宜月競光華花競姿花發月中香滿樹月籠花外影交枝梅花月落江南夢桂



月花傳郢北詞花卻何情月何意我隨花月汎

金卮

漫興

按戒庵老人漫筆云唐伯虎漫興十首余見其親筆行書者兩處互有不

同想隨意點竄未有定者

因並錄之今刪刻十首

十載鉛華夢一場都將心事付滄浪內園歌舞

藥方

黃金盡南國飄零白髮長髀裏肉生悲老犬斗

間星暗誤文章不才剩得腰堪把病對緋桃檢

久遭名累怨青衿半壁藤蘿覆釜鬻去日苦多

休檢曆知音諒少莫修琴平康驢背駝殘醉穀

雨花壇費朗吟老向酒杯碁局畔此生何望不

甘心

驅馳南北罨頭塵襤褸衣衫墊角巾萬點落花

俱是恨滿栢明月即忘貧香燈不起維摩病櫻

筍難消穀雨春鏡裏自看成一笑半生傀儡局

中人

中人

擁鼻行吟水上樓不堪重數少年游四更中酒  
半牀病三月傷春滿鏡愁白面書生期馬革黃  
金說客剩貂裘年來踪跡尤飄泊飛葉僧房細  
雨舟說客一作游客  
造物何嘗苦忌名太平端合老無能交游零落  
綈袍冷風雪飄飄瓦罐冰二頃未謀田負郭一  
餐隨分欲依僧醉時試倩家人道消盡粗疎氣  
未曾

不煉金丹不坐禪半隨時俗半隨緣生涯画笔  
兼詩筆踪跡花船與酒船鏡裏形骸春共老燈  
前夫婦月同圓東家歡樂西家醉天上閒星地  
上仙

此生甘分老吳閭寵辱都無剩有狂秋榜才名  
標第一春風絃管醉千場跣趺說法蒲團軟鞋  
襪尋芳杏酪香只此便爲吾事了孔明何必起  
南陽

平康巷陌倦游人。狼籍桃花中酒身。短夢風煙  
千里笛。多情絃索一牀塵。黃金誰買長門賦。黛  
筆難描滿額顰。惟有所歡知此意。對燒高燭賞  
餘春。

落。翬。迂。疎。自。可。憐。焚。香。掃。榻。枕。書。眠。張。儀。捫。頰。  
猶。存。舌。趙。壹。探。囊。已。沒。錢。滿。腹。有。文。難。罵。鬼。措。  
身。無。地。反。憂。天。多。愁。多。恨。多。傷。壽。且。酌。深。杯。看  
月。圓。

謝遣歌兒解臂鷹。半瓢詩藁一枝藤。難尋萱州  
酬知己。且摘蓮花供聖僧。時事百年蝸角戰。酒  
杯三月鳳頭燈。盡嘗世味猶存舌。茶薺隨緣敢  
愛憎。

正旦大明殿早朝

繡傘齊擎御道中。鳴鞭將下息朝鐘。仙班接仗  
星辰近。法駕臨軒雨露濃。百尺罽恩宿威鳳。九  
重閭闔擁神龍。履新萬國朝元日。堯德無名祝

華封

歲朝

海日團團生紫煙，門聯處處揭紅箋。  
鳩車竹馬兒童市，椒酒辛盤姊妹筵。  
鬢插梅花人蹴鞠，架垂絨線院秋千。  
仰天願祝吾皇壽，一箇蒼生借一年。

閻門卽事

世間樂土是吳中，中有閻門又擅雄。  
翠袖三千

樓上下黃金百萬，水西東五更市。  
買何曾絕四遠方言，總不同若使畫師描作畫。  
畫師應道畫難工。

春日寫懷

新春踪跡轉飄蓬，多在鶯花野寺中。  
昨日醉連今日醉，眠燈風接落燈風。  
苦拈險韻邀僧和，爇簇薰籠與妓烘。  
寄問社中諸契友，心情可與我相同。

檢齋

檢束斯身益最深，檢身還要檢諸心。  
鞠躬暗室如神在，恭已虛齋儼帝臨。  
視聽動言皆有法，盃盤几席盡書箴。  
遙知危坐焚香處，默把精微義理尋。

五言絕句

題枯木竹石

翠竹竝奇石，蒼松留古柯。  
明窗坐相對，試問興如何。

如何

美人蕉

大葉偏鳴雨，芳心又展風。  
愛他新綠好，上我小庭中。

題画四首

晚雲明漏日，春水綠浮山。  
半醉驢行緩，洞庭黃葉間。

淡霧滃山腰，清風集樹梢。  
聽泉人習靜，竚立面

平橋

落日山逾碧孤亭景自幽蒼江寒更急客興自

中流

蒼字作滄

虛亭林木裏傍水着闌干試展蒲團坐葉聲生

早寒

七言絕句

宮詞

重門晝掩黃金鎖春殿經年歇歌舞花開花落

情無人強把新詩教鸚鵡

五陵

五陵昔日繁華地今日漫天艸蔓青蔓艸不除  
陵寢廢當時一寸與人爭

馬二首

平原拋鞚秣駒駘醒箭桑弧射鷓鴣誰把丹青  
弄閑劇頓將紫塞画成圖

艸軟沙平桃李開春風先到李陵臺雪中一陣

鳥鴉起知是胡雛打獵來

題芭蕉仕女

獸額朱屏小院深  
綠窗含霧靜  
惜惜有人獨對  
芭蕉坐因為春愁不放心

佳人春睡倚含章  
一瓣梅花點額黃  
起對鏡看  
添百媚至今都學壽陽妝

佳人名字號紅蓮  
能事搗彈五十絃  
自是欲將  
花比貌涼風輕步野塘邊

題杏林春燕二首

燕子歸來杏子花  
紅橋低景綠池斜  
清明時節  
斜陽裏箇箇行人問酒家

紅杏梢頭挂酒旗  
綠楊枝上囀黃鸝  
鳥聲花影  
留人住不賞東風也是癡

過閩寧信宿旅邸館人懸画菊  
愀然有感

因題

黃花無主為誰容  
冷落疎籬曲徑中  
儘把金錢

唐何遜集卷二  
買脂粉一生顏色付西風

題画詩六十八首

春驢仙客到詩家，爲賞臨谿好杏花。  
山佃馱柴出換酒，隣翁陪坐自撈蝦。

青藜拄杖尋詩處，多在平橋綠樹中。  
紅葉沒鞋人不到，野棠花落一谿風。

長夏山邨詩興幽，趁涼多在碧泉頭。  
松陰滿地凝空翠，官逐朱門襍穢流。

蘆葦蕭蕭野渚秋，滿簑風雨獨歸舟。  
莫嫌此地風波惡，處處風波處處愁。

一叢樓閣空江上，日有羣鷗伴苦吟。  
儘勝達官憂利害，五更霜裏佩黃金。

綠水紅橋夾杏花，數間茅屋盡漁家。  
主人莫拒看花客，囊有青錢酒不賒。

百尺松杉貼地青，布衣衲衲髮星星。  
空山寂莫人聲絕，狼虎中間讀道經。



獨木橋邊倚樹根古藤陰裏嘯王孫白雲紅樹  
知多少雞犬人家自一邨

都尉山邊七寶灘高低如回好谿山十年游賞  
經行遍多少名題竹樹間

綠陰青晝白猿啼三峽橋邊路欲迷賴得泉聲  
引歸路泉聲嗚咽路高低

酒旗瘦馬行人路燈火荒雞細雨中奔走十年  
纔歇脚偶看画景忽消覓

楊柳陰濃夏日遲邨邊高館漫平池隣翁挈金  
乘清早來決輸贏昨日碁

紅樹青山飛白雲驂驪鞍馬踏斜曛眼前景好  
詩難勝鍊不成詞惱殺人

雪深山路滑於苔自跨青驢得得來為是仙翁  
詩帖報鹿場僧寺薜莓開

端陽競渡楚江湄紈袴分曹唱健詞画檝萬枝  
飛鷁道朱簾十二映蛾眉

磬口山茶綠萼梅深紅淺白一時開分明蠻錦  
圍屏裏露出佳人粉面來

傍水依山結艸廬案頭長貯活人書不知施藥  
功多少仙杏花開錦不如

艸屋柴門無點塵門前谿水綠粼粼中間有甚  
堪圖畫滿塢桃花一醉人

黃葉玲瓏映落暉木綿新補舊征衣鄉關多少  
悠悠思立馬邊山看雁飛

黃葉山家曉會琴斜橋流水路陰陰東西南北  
雞豚社氣象粗疎有古心

斑荆相對語勞勞麻已漚成繭未繅又是一番  
春計了瓦盆兒女共邨醪

山亭寥落接人稀泥補柴門葉補衣不起竹牀  
頭似雪已無心去問禪機

秋水接天三萬頃晚山連樹一千重呼它小艇  
過湖去臥看斜陽江上峰

桃李春風好放懷  
闔雞走狗夕陽街  
看花拚逐紛紛蝶  
消得青絲幾兩鞋

萬仞芝山接太虛  
一泓萍水繞吾廬  
日長全賴碁消遣  
計取輸贏賭買魚

紅樹中間飛白雲  
黃茅檻底界斜曛  
此中大有逍遙處  
難說於君画與君

雪滿梁園飛鳥稀  
煖煨榾柮掩柴扉  
瓦盆執得松花酒  
酌是谿丁拾蟹歸

白袷檀冠碧玉環  
倒騎驢子看廬山  
腰間小盒藏何物  
九轉芙蓉一顆丹

松蘿深徑積莓苔  
何事荆扉夜半開  
犬吠嘹嘹驚夜夢  
月明千里故人來

桃花浪煖錦層層  
勸尔漁郎莫下罾  
恐有鯉魚鱗甲變  
龍門三月要蜚騰

雪壓江邨陣作寒  
園林俱是玉花攢  
急須沽酒澆清凍  
亦有疎梅喚客看

柴門深掩雪洋洋，  
楮能消此夜長。  
最是詩人安穩處，  
一編文字一爐香。

頭如蒜顆眼如椒，  
雄逐雌飛向葦蕭。  
莫趁蟾蜍失巢穴，  
有人拈彈不相饒。  
寒雀爭梅

飛喚行搖類急難，  
野田寒露欲成團。  
莫言四海皆兄弟，  
骨肉而今冷眼看。  
卽令圖

蓬萊弱水三千里，  
王母蟠桃一萬年。  
鳳鳥自歌還自舞，  
直教銜到壽尊前。  
王母贈壽二首

西風鸞背綵旂搖，  
王母乘秋下九霄。  
欲與阿彌增壽考，  
自斟綠醕溢銀瓢。  
二

漆園椿樹千年色，  
堂北萱根三月花。  
巧画斑衣相向舞，  
雙親從此壽無涯。  
椿萱圖

拈花微笑破檀唇，  
悟得塵埃色相身。  
辦取星冠與霞帔，  
天臺明月禮仙真。  
與霞觀音

鯉魚風急繫輕舟，  
兩岸寒山宿雨收。  
一抹斜陽歸雁盡，  
白蘋紅蓼野塘秋。  
題周東邨画

不見倪迂今百年故山喬木嶺蒼烟晴窗展軸

觀圖画澹墨依然見古賢題元鎮江亭秋色

空山春盡落花深雨過林陰綠玉新自汲山泉

書鳳餅坐臨谿閣待幽人題落花卷

桑出羅兮柘出綾綾羅妝束出娉婷娉婷紅粉

歌金縷歌與桃花柳絮聽題桑

九日風高斗笠斜籬頭對酌酒頻賒御袍采采

楊妃醉半夜扶歸挹露華題菊花四首

佳色含霜向日開餘香冉冉覆莓苔獨伶節操

非凡種曾向陶君徑裏來二

颯颯金飈拂素英倚闌瑤朶入盃明秋光滿眼

無殊品笑傲東籬羨尔榮三

白衣人換太玄衣浴罷山陰洗研池鍊骨不教

秋色淡滿身香汗立東籬題自画墨菊

煙水孤篷足寄居日長能辦一餐魚問渠何當

平生事不弄綸竿就讀書題画贈趙一蓬

滿地風霜菊綻金醉來還弄不絃琴南山多少

悠然意千載無人會此心題自画卷二十一首

五柳先生日醉眠客來清賞榻無瓊酒資盡在

東籬下散貯黃金萬斛錢二

約閣江梅遠近山一天風月繞柴關休言鳥斷

人踪跡覓句逋仙正不閒和靖一

衲衣乞食自行歌十院燒燈擁翠娥天下風流

誰可竝洛陽雪裏鄭元和韓熙載一

酒費長苦欠經營預給餐錢費水衡多少如花

後屏女燒金時倩耿先生二

一宿因緣逆旅中短詞聊以託泥鴻當時我做

陶承旨何必尊前面發紅陶穀

艸和坊裡李端端信是能行白牡丹誰信揚州

金滿市元來花價屬窮酸張祐

真人受命整乾樞失鹿狂秦不足誅四海橫行

無立艸妖蛇那得阻前驅高祖斬蛇

艸廬三顧屈英雄、忼慨南陽起臥龍、鼎足未安星又隕、陣圖畱與浪濤春、

三顧艸廬

琴心挑取卓王孫、賣酒臨邛石凍春、狗監猶能薦才子、當時宰相是閒人、

相如滌器

水雪風雲事不同、今朝尊貴昨朝窮、窮時多少英雄伴、名字應畱夾袋中、

呂蒙正雪景

司空幕府通農開、平善街頭日夜來、肯信璫花舊游處、至今猶唱紫雲回、

杜牧

艸苦書齋石壘塘、闌干委曲造谿傍、方牀石枕眠清晝、荷葉荷花互送香、

濂谿

蘇州太守白尚書、酒盞飄零帶疾移、老去風情猶有在、張娟駱馬與楊枝、

白樂天

宋朝受命政維新、魏國稱為社稷臣、空使終年讀論語、如何不做托孤人、

雪夜幸趙普

書生豪氣壓千軍、示者扶桑一卷文、鍊研未穿時世改、功名回首信浮雲、

桑維翰鍊研

千載經綸一秃翁王公誰不仰高風緣何坐所

添丁慘不住山中住洛中盧全煎茶

淮海修真遣麗華它言道是我言嗟金丹不了

紅顏別地下相逢兩面沙秦淮海

黃衣冠子翠雲裘四海三山挾彈游我亦貴器

好游者何時得醉岳陽樓洞賓

百二關河狼虎秦連環難解戲高臣若非織手

抽刀斬應笑山東後有人齊后

楊家紅拂識英雄着帽宵奔李衛公莫道英雄  
今沒有誰人看着眼睛中紅拂妓

附文徵明題六如回紅拂妓二首

把拂臨軒一笑通宵奔曾不異桑中却伶擾  
擾風塵際能識英雄李衛公  
六如居士春風筆寫得蛾眉妙有神展卷不  
禁雙淚落斷腸元不為佳人

送陳憲章

僧房酌酒送君行把臂西風無限情此際若為  
銷別恨兩行紅粉轉春鶯



題子胥廟

白馬曾騎踏海潮由來吳地說前朝眼前多少  
不平事願與將軍借寶刀

題夢艸圖為陸勳傑

池塘春漲碧溶溶醉臥香塵淺艸中一夢熟時  
鷗作伴錦衾何必抱輕紅

題漁父

朱門公子饌鮮鱗爭詫金盤一尺銀誰信深谿

狼虎裏滿身風雨是漁人

題画竹次杜水庵韻

蕭蕭美人脫凡俗蕉姓稱蘿名碧玉月昏蕭湘  
烟水深為君一弄江南曲

題葛仙

三天門吏葛長庚體坐蟾蜍赤脚行游遍九州  
人不識丹臺籙上已標名

題洞賓化女人攜瓶圖

仙機變幻真難測，呂字分明現在誰。何事世人皆不識，尚畱餘跡與人猜。

題佳人對月

卸髻嬌娥夜臥遲，梨花風靜鳥栖枝。難將心事和人說，說與青天明月知。

題佳人插花

春困無端壓黛眉，梳成鬆髻出簾遲。手拈茉莉腥紅朶，欲插逢人問可宜。

佳人停板

仙娥記曲世無雙，下直歸來月滿窗。隨手托牙鏤板在，低頭不語暗尋腔。

紅蓮錦袖曹剛手，瓏板腰肢捉板歌。何事夜深還演秋花前，爭奈月明何。

荷花仙子

一卷真經幻作仙人，人間肉眼眼誤相猜。不教輕踏蓮花去，誰識仙娥玩世來。

玉芝為王麗人作

玉芝仙子住瑤池池上多栽五色芝  
擣作千年合歡藥客沾風味盡相思

風雨淹旬厨烟不繼滌研吮毫蕭條若僧

因成絕句八首聊自遣興 刪刻三首

青衫白髮老痴頑筆研生涯苦食艱湖上水田  
人不要誰來買我画中山

荒邨風雨雜鳴雞燎釜朝厨愧老妻謀寫一枝

新竹買市中笋價賤如泥

儒生作計太痴呆業在毛錐與研臺問字昔人

皆載酒寫詩亦望買魚來

易谷一見

詞三首

望湘人 春日花前咏懷

想盤鈴傀儡寒食裏蒸曾嘗少年滋味凍勒花  
遲香供酒醒又算一番春計鏡裏光陰尊前明  
月眼中時事有許多閒事聞非我說與君君記

道是榮華富貴恁掀天氣槩霎時搬戲看今  
古英雄多少葬身無地名高惹謗功高相忌我  
且花前沈醉管甚箇兔走烏飛白髮蒙頭容易

踏莎行 閨情

可怪春光今年偏早閨中冷落如何好因他一  
去不歸來愁時只是吟芳艸奈爾雙姑隨行  
隨到其間况味予知道尋花趁蝶好光陰何須  
步步回頭

千秋歲引

題古松贈壽

蘚疊蒼鱗羅纏翠角萬丈髯龍奮騰躍深更抱  
雲宿夜澗清朝捧日登秋叡挺風霜傲泉石倚  
寥廓下有茯苓上有鶴守獲地丹竈藥粟粒  
粘唇世緣卻丸時細調白玉髓藏來密鎖黃金  
橐祝千齡向初度齊天樂

陶廷傳

朱長胤全按

朱朝賞

鴻安三子多詩詞亦川

月  
作  
入  
集  
卷  
二

